



Inatsisartunut ilaasortaq
Randi Vestergaard Evaldsen, Demokraatit
/Uani

**§ 37 naapertorlugu apeqquteqqaammut nr. 279-2018-imut eqqakkanik
assartuinnermut tunngasumut akissuteqaat**

Brevdato: 09-11-2018
Sagsnr.:
Akt-id: 9092221

Aluu Randi Vestergaard Evaldsen

Postboks 1614
3900 Nuuk

Oktobarip 26-iat 2018 Naalakkersuisunut eqqakkanik assartuinnermut
tunngasuteqartumut apeqquteqarsimavutit. Apeqqutigisatit akissuteqaammi
ilanngunneqarput.

Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

**1. Nuummi Sisimiunilu eqqakkanut ikuallaavinnik sanasoqalerpoq.
Eqqarsaataavoq eqqakkat nunatsinneersut tamarmik taakkununga
assartorneqartalissasut ikuallatassanngorlugit. Tassunga atatillugu
Naalakkersuisut Royal Arctic Line A/S assartuittarniarnerlugu
imaluunniit eqqakkanik assartuisarnissaq tamanut
suliariumannittussarsiuunneqassava?**

Kommuneqarfiit kommuneqarfiup iluani ataatsimut pigisassamik
suliffeqarfimmik eqqagassalerisussanik pilersitsilerput. Kommuneqarfiup iluani
ataatsimut suliffeqarfiit eqqagassalerisussat ilaatigut eqqakkanut ikuallaaviit
qanoq pilersaarusionerqassanersut suliarissavaat. Maannakkumuugallartoq
kommuneqarfiit Royal Arctic Line A/S-imik atuinissaat ilimanaateqarpoq.
Kommuneqarfiilli, oktobarip 17-iat 2018 Royal Arctic Linep kisermaassilluni
suliaqarnissaanut akuersissutaanit immikkut akuerisaaqqammerput, illoqarfiit
nunaqarfiillu taakkartorneqartut akornanni ukiuni marlunni eqqakkanik
assartuisoqarnissaanut. Ingerlaarfinni taakkunani misilittakkat aallaavigalugit
assartuiniarnerni assigiinngitsuni iluaqutaasut ajoqutaasullu paasinarsissapput.

**2. Eqqakkanik assartuineq tamanut suliariumannittussarsiuunneqassappat
tassunga atatillugu iluaqutissat akorngutissallu suut Naalakkersuisut
takusinnaavaat aamma tamanna pisinnaava imaatigut assartuineq pillugu
inatsit maannakkut atuuttoq naapertorlugu? Inatsimmi
periarfissaqartinneqarpa immikkut akuersissuteqartoqarsinnaanera
assartuisartut allat Royal Arctic Linep saniatigut assartuinnermik
isumaginnittussanngortinneqarsinnaaqqullugit?**

Eqqaaneqareersutuut kommuneqarfiit Royal Arctic Line A/S-ip kisermaassilluni
piffinni aaliangersimasuni ingerlaarfigisassatut akuerisaaffia avaqqullugu
eqqakkanik assartuisinnaatitanermit immikkut akuerisaaqqammerpoq.
Taamaattumik Kommuneqarfiit piffissami aaliangersimasumi assartueriaatsinik

assigiinningsunik misileraassapput suut iluaqutaanersut ajoqutaasinnaanersullu misilittarniarlugit. Naalakkersuisuninngaanniit pingaartinneqarpoq eqqakkanik assartuineq avatangiisinut inuiaqatigiillu aningaasaqariarnerannut pitsaanerpaamik kinguneqarnissaa.

Aap, inatsisit aallaavigalugit immikkut akuersissutunik tunineqarnissamut periarfissaqarpoq eqqaaneqareersutuullu kommuneqarfiit Royal Arctic Linep kisermaassilluni ingerlassisussaasutut akuersissuteqarfigisaanni kommuneqarfiit eqqakkanik assartuisinnaanerannut immikkut akuersissuteqartoqarsimavoq.

3. Naalakkersuisut allanik suliamut soqutiginaatilinnik paasissutissiisinaanerlutik?

Naalakkersuisut perfissaq una atorlugu ersarissarusuppaat kommuneqarfiit eqqagassaqarnerup tungaatigut aallussilluarneri suleqatiginnilluarnenilu, tassanilu nuna tamakkerlugu akisussaaqataanermik aallaaveqartumik aaqqiissummik ujartuinissaq pingaartinneqarsimavoq.

Inussiarnersumik inuulluaqqusillunga
Med venlig hilsen

Erik Jensen